



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLVIII - Broj 9 Petak, 02.12.2016. godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	--	---

Općinsko vijeće Tešanj je na svojoj 2. sjednici održanoj 29.11.2016.godine, razmatrajući Izvještaj o izvršenju Budžeta Općine Tešanj za period januar-septembar 2016. godine, donijelo sljedeći

Z A K L J U Č A K

Usvaja se Izvještaj o izvršenju Budžeta Općine Tešanj za period januar-septembar 2016. godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-14-1-2150-2/16
Datum: 30.11.2016. godine

IZVJEŠTAJ O IZVRŠENJU BUDŽETA OPĆINE TEŠANJ ZA PERIOD JANUAR - SEPTEMBAR 2016. GODINE

Osnov za izvršenje Budžeta Općine u 2016. godini čine dokumenti Budžet Općine Tešanj za 2016. godinu ("Službeni glasnik Općine Tešanj", broj: 10/15) i Odluka o izvršavanju Budžeta Općine Tešanj za 2016. godinu ("Službeni glasnik Općine Tešanj", broj: 10/15).

Izvršenje budžeta


Prihodi i primici sa prenesenim sredstvima i finansiranjem Budžeta Općine Tešanj u izvještajnom periodu iznosili su **11.496.299,66 KM**, odnosno **85,66%** sredstava Operativnog budžeta za devetomjesečni period. Rashodi, izdaci i povrat sredstava od finansiranja iznosili su **8.095.084,98 KM**, odnosno **60,53%** sredstava Operativnog budžeta za devetomjesečni period.

U izvještajnom periodu iskazan je akumulirani suficit od 3.401.214,68 KM, koji je odraz dinamike realizacije planiranih aktivnosti i prijenosa viška sredstva iz prethodnih godina od 1.036.177,67 KM. Za realizaciju planiranih aktivnosti već je izvršena rezervacija sredstava na stavkama rashoda i izdataka putem ugovora i započetih postupaka javnih nabavki u visini od 4.158.432,55 KM. Najveći dio rezervacija se odnosi na velike projekte: gradnja kanalizacionih kolektora u visini od 2.605.802 KM, vodosnabdijevanje u visini od 443.075 KM, uređenje ulice 1. marta u visini od 231.493 KM i drugo.

PRIHODI, PRIMICI I FINANSIRANJE

EKO- NOMSKI KOD	PRIHODI PRIMICI	BUDŽET ZA 2016. GODINU	OPERATIVNI PLAN ZA PERIOD JANUAR – SEPTEMBAR 2016. GODINE	OSTVARENJE ZA PERIOD JANUAR – SEPTEMBAR 2016. GODINE	PROCENT IZVRŠE-NJA U ODNOSU NA GODIŠNJI PLAN (5/3)	PROCENT IZVRŠE- NJA U ODNOSU NA OPERATIV-NI PLAN (5/4)
1	2	3	4	5	6	7
	I PRIHODI OD POREZA	6.599.000,00	4.940.500,00	5.023.600,21	76,13	101,68
711000	Porez na plate i dobit po staroj zakonskoj regulativi	5.000,00	4.100,00	560,51	11,21	13,67
714100	Porez na imovinu	695.000,00	502.000,00	717.439,08	103,23	142,92
716000	Porez na dohodak	1.200.000,00	891.000,00	934.673,45	77,89	104,90
717000	Prihodi od indirektnih poreza	4.695.000,00	3.540.000,00	3.367.315,14	71,72	95,12
7152-900	Posebni porezi	4.000,00	3.400,00	3.612,03	90,30	106,24
	II NEPOREZNI PRIHODI	2.762.000,00	2.180.950,00	2.408.808,53	87,21	110,45
721000	Prihodi od aktivnosti i imovine	197.000,00	133.700,00	126.279,54	64,10	94,45
722000	Naknade, takse i prihodi od usluga	2.530.000,00	2.019.750,00	2.249.633,97	88,92	111,38
723000	Novčane kazne i ostali prihodi	35.000,00	27.500,00	32.895,02	93,99	119,62
	III TEKUĆI GRANTOVI	1.020.000,00	890.000,00	1.229.472,69	120,54	138,14
	IV KAPITALNI GRANTOVI I PRIMICI	2.860.000,00	2.220.000,00	1.265.221,76	44,24	56,99
	V PRENESENA SREDSTVA	890.000,00	890.000,00	1.036.177,67	116,42	116,42
	VI FINANSIRANJE	2.650.000,00	2.300.000,00	533.018,80	20,11	23,17
	UKUPNI PRIHODI	16.781.000,00	13.421.450,00	11.496.299,66	68,51	85,66

Tabela 1. Prihodi, primici i finansiranje za period januar – septembar 2016. godine



Grafikon 1. Operativni plan i ostvarenje prihoda, primitaka i finansiranja za period januar – septembar 2016. godine.

Porezni prihodi

Porezni prihodi, koji čine više od 50% prihoda i primitaka bez prenesenih sredstava i zaduženja ovog kvartala, ostvareni su sa 101,68% ukupnih budžetskih sredstava Operativnog budžeta za devet mjeseci (uvećano ostvarenje od 83.100,21 KM).

U okviru ove grupe prihoda potrebno je istaći da je došlo do umanjenja koeficijenta u raspodjeli sredstava PDV-a za Općinu Tešanj, što je dovelo do manjeg ostvarenja podgrupe prihoda od indirektnih poreza za 172.685 KM. Ovo umanjenje ipak nije dovelo do smanjenje ukupnih poreznih prihoda jer su druge stavke ostvarene u većem obimu, a prije svega podgrupe prihoda od poreza na imovinu (uvećano ostvarenje od 215.439 KM).

S toga se može reći da je ostvarenje ovih prihoda iznad očekivanog nivoa, te da se do kraja godine može projicirati djelimično uvećano ostvarenje grupe u cjelini do 100.000 KM.

Neporezni prihodi

Neporezni prihodi su u izvještajnom periodu ostvareni sa 110,45% sredstava Operativnog budžeta za devetomjesečni period (uvećano ostvarenje od 227.858,53 KM). Uvećano ostvarenje ove grupe prihoda je rezultat realnog rasta privrednih tokova i aktivnosti na teritoriji Općine koji imaju za posljedicu uvećane aktivnosti Organa uprave. Tako su uvećane stavke prihoda koji se naplaćuju za pružanje usluga katastra, tehničke prijeme objekata,

ovjere dokumenata i slično. Pored toga uvećane su uplate renti za uređenje građevinskog zemljišta, naknada za upotrebu cesta pravnih i fizičkih lica, posebne naknade za zaštitu od prirodnih i drugih nesreća i slično, koje su takođe posljedica uvećanja privrednih tokova i aktivnosti na teritoriji Općine. Sve to će imati za rezultat uvećanje ove grupe prihoda na godišnjem nivou do 200.000 KM.

Tekući grantovi

Tekući grantovi u izvještajnom periodu ostvareni su sa 138,14% sredstava Operativnog budžeta za devetomjesečni period (uvećano ostvarenje od 339.472,69 KM). Ova grupa prihoda je posebno kompleksna u planiranju, budući da se sastoji od različitih grantova - doznaka iz inostranstva, različitih nivoa vlasti i fondova na koje Općina nema presudan utjecaj.

Shodno tome se može izdvojiti slijedeće:

-Transferi od inostranih vlada i donacija su realizovani u cijelosti, budući da su sredstva Vlade Japana za deminiranje doznačena i prenesena iz ranijih godina, a oprihodovana u izvještajnom periodu. Takođe su oprihodovana sredstva sufinansiranja označavanja naseljenih mjesta, ulica i objekata.

-Grantovi Kantona u dijelu Fonda za zaštitu okoliša i grantovi Kantona za boračke populacije se transferišu u većem obimu od planiranog za blizu 50% budući da su u proteklom periodu izmirene stvorene obaveze iz prethodnih godina.

-Grant podrške općinskim stipendijama nisu realizovani u izvještajnom periodu, ali je na urgenciju nadležne općinske službe transfer izvršen početkom oktobra ove godine.

Ova sredstva u cjelini su namjenska i njihov veća realizacija je vezana za odgovarajuće rashode koje će takođe biti ostvarene u većem obimu.

Kapitalni grantovi

Kapitalni grantovi su ostvareni sa 56,99% sredstava Operativnog budžeta za devet mjeseci (umanjeno ostvarenje od 954.778 KM). Doznaka ovih sredstava prati realizaciju projekata kapitalnog dijela budžeta. Radi se o tome da Općina ugovara i realizuje planirane projekte, a da se doznaka sredstava vrši po dostavi faktura ili refundacijom uplata koje će općina napraviti. Kako su radovi na pojedinim projektima još uvijek u toku i nisu nastali ni rashodi po istim, to se i ostvarenje ovih stavki očekuje tek po njihovom okončanju u posljednjem kvartalu tekuće godine. Takav slučaj je sa vodnim naknadama, sredstvima za gradnju kanalizacionih kolektora i sredstvima Fonda za zaštitu okoliša za projektovanje i dijelom grantova viših nivoa vlasti (sportske dvorane).

S druge strane više su doznačena sredstva za industrijske zone budući da je odobrena nova faza projekta Industrijske zone Bukva, tako da će se u tekućoj godini realizovati dvije faze iz programa poticaja za 2015. i 2016. godinu. Takođe su oprihodovana veća sredstva građana za gradnju vodovoda Medakovo - Trepče i drugo.

Prenesena sredstva

Prenesena sredstva su veća od planiranih zbog većeg ostvarenja prihoda nad rashodima prethodne godine za 16,42%, kako u odnosu na Operativni budžet, tako i na Budžet u cjelini jer se sredstva realizuju odmah na početku godine. Uvećanje se odnosi na slobodna budžetska sredstva u visini od 91.233 KM i na više ugovoreni dio projekata koji nisu okončani do kraja 2015. godine od 54.945 KM.

Ukupno prenesena sredstva od 1.036.178 KM su raspoređena članom 2. Izvještaja o izvršenju Budžeta Općine Tešanj za 2015. godinu.

Prenesena sredstva za realizaciju ugovorenih a nerealizvanih projekata iznose 244.945 KM. Ova sredstva su u odnosu na 2015. godinu manja za 54,55%, odnosno 293.975 KM.

Kreditno zaduženje


Kreditna sredstava u izvještajnom periodu su povučena u visini od 533.018,80 KM, a ista se odnose na plaćanje preostale obaveze iz prethodne godine za projekt WATSAN.

S druge strane, kreditno zaduženje za "Projekt uređenja Titove ulice i Ulice 1. marta" nije realizovano. Dodatni kreditno zaduženje nije realizovano, a Odluka o kreditnom zaduženju broj: 01-02-1-1213/15 od 16.06.2015. godine je poništena.

RASHODI, IZDACI I POVRAT SREDSTAVA FINANSIRANJA

EKO- NOMSKI KOD	R A S H O D I I Z D A C I	BUDŽET ZA 2016. GODINU	OPERATIVNI PLAN ZA PERIOD JANUAR – SEPTEMBAR 2016. GODINE	OSTVARENJE ZA PERIOD JANUAR – SEPTEMBAR 2016. GODINE	PROCENT IZVRŠE- NJA U ODNOSU NA GODIŠNJI PLAN (5/3)	PROCENT IZVRŠE-NJA U ODNOSU NA OPERATIV-NI PLAN (5/4)
1	2	3	4	5	6	7
611000	I SREDSTVA ZA PLATE I NAKNADE	2.403.000,00	1.810.000,00	1.708.421,25	71,10	94,39
613000	II SREDSTVA ZA MATERIJAL, ENERGIJU I USLUGE	2.905.600,00	2.245.647,43	1.844.933,16	63,50	82,16
613000	1. Direktni materijalni rashodi organa uprave	961.600,00	696.147,55	623.180,45	64,81	89,52
613000	2. Ostale usluge za opštredruštvene potrebe	1.944.000,00	1.549.499,88	1.221.752,71	62,85	78,85
613400	III TEKUĆI GRANTOVI, KAMATE I SREDSTVA REZERVI	3.672.400,00	2.666.143,39	2.790.323,44	75,98	104,66
614117	1. Grantovi mjesnim zajednicama	220.000,00	167.300,00	169.496,11	77,04	101,31
614200	2. Grantovi socijalne zaštite i pomoći	1.437.400,00	1.120.133,36	1.232.245,20	85,73	110,01
614300	3. Grantovi za kulturu, obrazovanje i mlade	907.000,00	760.000,03	791.063,20	87,22	104,09
614300	4. Grantovi u oblasti sporta	260.000,00	196.500,03	238.693,00	91,81	121,47
614300	5. Grantovi udruženjima građana	122.000,00	91.599,97	93.800,00	76,89	102,40
614400	6. Ostali grantovi	606.000,00	251.610,03	210.731,13	34,77	83,75
616000	7. Kamate i operativna budžetska rezerva	120.000,00	78.999,97	54.294,80	45,25	68,73
821-615	IV KAPITALNI GRANTOVI (TRANSFERI) I IZDACI	7.560.000,00	6.507.002,00	1.712.457,27	22,65	26,32
821-615	1. Podrška projektima drugih izvora i utrošak namjenskih sredstava	4.985.000,00	4.028.500,00	594.473,16	11,93	14,76
821-615	2. Općinski projekti (novi projekti i nastavak započetih projekata)	1.790.000,00	1.693.502,00	647.654,90	36,18	38,24
821-615	3. Preostala kapitalna ulaganja i grantovi	785.000,00	785.000,00	470.329,21	59,91	59,91
823000	V POVRAT SREDSTAVA FINANSIRANJA	240.000,00	144.999,96	39.249,76	16,35	27,07
UKUPNO RASHODI, IZDACI I FINANSIRANJE		16.781.000,00	13.373.792,78	8.095.384,88	48,24	60,53

Tabela 2. Rashodi, izdaci i povrat sredstava finansiranja za period januar – septembar 2016. godine



Grafikon 2. Rashodi, izdaci i povrat sredstava finansiranja za period *januar – septembar 2016. godine*

Bruto plate i naknade

Bruto plate i naknade se ostvaruju u nešto manjem obimu od planiranih iznosa. Ni jedna od stavki nije ostvarena sa prekoračenjem, a grupa u cijelosti je ostvarena sa 94,39% sredstava predviđenih Operativnim budžetom za devet mjeseci. Nije do kraja završen proces popune upražnjenih radnih mjesta sa kojih su raniji uposlenici stekli uvjete za penzionisanja.

Sredstva za materijal, energiju i usluge

Sredstva za materijal, energiju i usluge se ostvaruju u manjem obimu od utvrđenog Operativnim budžetom. Ovo ostvarenje iznosi 82,16%. Za razliku od drugih stavki tekućeg dijela budžeta ovi rashodi se knjiže na osnovu pristiglih faktura. Kako značajan dio faktura nije pristigao u izvještajnom periodu (dio faktura za septembar pristižu tokom mjeseca oktobra), tako dio nastalih rashoda za koje fakture nisu pristigle nije ni knjižen.

Tekući grantovi i transferi

Tekući grantovi i transferi se odvijaju u planiranoj dinamici i obimu. Ostvarenje u odnosu na Operativni budžet iznosi 104,66%. Uvećano ostvarenje je, prije svega, nastalo uvećanjem doznaka namjenskih sredstava iz ZE-DO kantona za tekuće pomoći boračkim populacijama. Ova sredstva su kroz odgovarajuću stavku rashoda transferisana krajnjim korisnicima sa uvećanjem od 232.627 KM u odnosu na planirani godišnji nivo.

Sredstva operativne budžetske rezerve su utrošena u visini od 53.450 KM, što čini 53,45% utroška ukupno planiranih sredstava, a predstavljaju 0,72% ostvarenih poreznih i neporeznih prihoda.

Kapitalni grantovi (transferi) i izdaci

Kapitalni dio budžeta je realizovan sa 26,32% sredstava Operativnog budžeta za devetomjesečni period. U izvještajnom periodu su okončani i fakturirani radovi u visini od 1.712.457,27 KM. Operativni budžet je rađen na bazi definisanja vremena početka radova sa odobravanjem postupaka nabavki i izradi narudžbenica u sistemu trezora, dok sami rashodi nastaju po okončanju radova i dostavi faktura.

Shodno tome, kako je to navedeno u prvom dijelu izvještaja, izvršeno je rezervisanje sredstava u visini 4.164.823,73 KM od čega se iznos od 3.977.575,69 KM odnosi na kapitalna ulaganja. Radi se o projektima u različitim fazama realizacije (postupak javne nabavke, ugovaranje, izvođenje radova, fakturisanje i primopredaja radova). Aktivnosti na realizaciji projekata blagovremeno započete.

Kada se zbroje realizovana i rezervisana sredstva koja se odnose na projekte u toku, ukupno izvršenje bi iznosilo 5.690.032,96 KM. Ova sredstva iznose 75% godišnjeg plana realizacije kapitalnih ulaganja.

Očekujemo da će se planirane aktivnosti blagovremeno realizovati do kraja budžetske godine, budući da su u međuvremeno započete nabavke ili je ugovorena realizacija i preostalih budžetskih pozicija.

Povrat sredstava od finansiranja

Servisiranje preuzetog dijela duga po stavci "Rezervisana sredstva za garancije date D.D. Toplana Tešanj" se vrši uredno prema ranije utvrđenom otplatnom planu.

Zaključak

Budžet Općine Tešanj je stabilan. Izvorni budžetski prihodi, kao i tekuća grant sredstva se ostvaruju iznad planirane dinamike Operativnog budžeta. Shodo rezultatima koji su postignuti u proteklom periodu može se reći da će ovaj dio budžeta biti uvećan i na ukupnom godišnjem nivou. S druge strane, kako je to već navedeno, realizacija kapitalnih grantova i finansiranja (kreditno zaduženje) prati realizaciju radova i usluga, tako da će isti biti realizovani po dostavi faktura. S toga se može desiti da zbog načina povlačenja sredstava i dinamike realizacije projekta dio ugovorenih radova i kredita bude prenesen u narednu godinu.

Rashodovna strana budžeta se realizuje u planiranom dinamičkom okviru uz evidentiranje rezervacija, pokretanje postupaka javnih nabavki, izvođenje radova i praćenje realizacije po istim.

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić, s.r****Broj: 02-14-1-2150/16****Datum: 17.11.2016. godine**

Općinsko vijeće Tešanj je na svojoj 2. sjednici održanoj 29.11.2016. godine, razmatrajući Nacrt Budžeta Općine Tešanj za 2017. godinu, donijelo sljedeći

Z A K L J U Č A K**Usvaja se Nacrt Budžeta Općine Tešanj za 2017. godinu i upućuje na javnu raspravu.****OPĆINA TEŠANJ
OPĆINSKO VIJEĆE****PREDSJEDAVALJUĆI VIJEĆA
Senad N. Subašić, s. r.****Broj: 01-14-2-467-22/16****Datum: 30.11.2016. godine**

Općinsko vijeće Tešanj je na svojoj 2. sjednici održanoj 29.11.2016. godine, razmatrajući Nacrt Odluke o usvajanju planova potencijalnih projekata javno-privatnog partnerstva, donijelo sljedeći

Z A K L J U Č A K**Usvaja se Nacrt Odluke o usvajanju planova potencijalnih projekata javno-privatnog partnerstva i upućuje na javnu raspravu.**

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić, s. r.****Broj: 01-02-1-2384-2/16****Datum: 30.11.2016. godine**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj 2. sjednici održanoj dana 29.11.2016. godine donosi

ODLUKU**o stipendiranju redovnih studenata dodiplomskog studija (prvog ciklusa) u akademskoj 2016/17. godini****Član 1.**

U akademskoj 2016/17 godini Općina Tešanj će stipendirati redovne studente dodiplomskog studija (prvog ciklusa) sa područja općine Tešanj na visokoškolskim ustanovama u Bosni i Hercegovini, koji nemaju drugi oblik stipendiranja ili sufinansiranja.

Član 2.

Odlukom o stipendiranju redovnih studenata dodiplomskog studija (prvog ciklusa) za akademsku 2016/2017 godinu, stiče se osnov za raspisivanje konkursa, tako da se dodijeli mogući broj studentskih stipendija do iznosa obezbijeđenih sredstava.

Član 3.

Visina rate iznosi 100 KM (stotinu konvertibilnih maraka) po jednom studentu, a isplaćivat će se mjesečno. Visina rate za deficitarna zanimanja tj. kod studenata prvog ciklusa koji studiraju građevinu, arhitekturu, geodeziju, matematiku i informatiku će iznositi 130 KM (stotinu trideset kovertibilnih maraka). Broj mjesečnih rata zavisit će od raspoloživih sredstava u Budžetu općine Tešanj predviđenih za ove namjene.

Član 4.

Postupak izbora kandidata za stipendiranje, vođenje potrebne evidencije, sklapanje ugovora, kao i druge poslove koji proističu iz ove Odluke, vodit će Komisija za dodjelu stipendija koju imenuje Općinski načelnik. Komisija će biti sastavljena od vijećnika i uposlenika nadležne općinske Službe. Rad Komisije za dodjelu

stipendija biti će javan, a konkurs će se objaviti putem sredstava javnog informisanja.

Član 5.

Komisija za dodjelu stipendija primjenjivat će Kriterije za dodjelu stipendija, odobrene od strane Općinskog načelnika, kojim će se precizirati bodovanje kandidata prema sljedećim elementima:

- ostvareni uspjeh
- godina studija
- socijalno-ekonomska situacija
- postignuti rezultati na takmičenjima i posebna priznanja
- prednost jednom studentu, kada postoje dva studenta iz iste porodice
- prednost studentima sa invaliditetom
- bodovi za deficitarna zanimanja
- bodovi za društveni angažman i volonterski rad
- studenti sa istim brojem bodova.

Član 6.

Komisija prilikom provođenja postupka i odlučivanja ima pravo i obavezu koristiti i druge mehanizme za provjeru bilo kojeg statusa izvan obavezno propisanih dokumenata u javnom pozivu. To znači da se u posebnim i specifičnim slučajevima može tražiti provjera podataka na druge načine (traženje poreske prijave, provjere navoda o zajedničkom domaćinstvu, traženje podataka o poslovanju poslovnih subjekata, podatke o imovini porodice, podatke o registriranim vozilima...) ili dopunu istih.

U svim slučajevima u kojima se dokaže netačno i lažno iskazivanje činjenica i stanja, općina Tešanj će za pokušaj prevare uskratiti pravo učešća u konkursima za stipendiranje od općine Tešanj u naredne dvije godine.

Član 7.

Termin objave konkursa i rezultata konkursa bit će prilagođen terminima i rokovima konkursa Ministarstva za boračka pitanja i obrazovanja ZDK, zbog iskorištenja mogućnosti stipendiranja studenata iz drugih izvora.

Član 8.

Pravo na konkurisanje imaju svi redovni studenti do 25 godina života koji studiraju na trogodišnjem ili četverogodišnjem studiju, a do 27 godina života studenti koji studiraju na jedinstvenom studiju koji traje 5 ili 6 godina, a čija primanja po članu domaćinstva nisu viša od **350,00 KM**.

Studenti iz kategorije PPBiŠ, studenti čiji su roditelji nosioci najvišeg ratnog priznanja (čl. 2. stav 1. tačka 1. Zakona o posebnim pravima dobitnika ratnih priznanja i odlikovanja i članova njihovih porodica

„Sl.novine FBiH”, broj: 70/05 i 70/06), studenti iz porodice RVI sa stepenom invalidnosti sa i preko 50%, studenti sa prosjekom ocjena 9 i više, učenici generacije iz srednje škole, stipendiju dobivaju automatizmom bez bodovanja i bez obzira na profil zanimanja.

Član 9.

Sa svakim studentom koji se stipendira potpisat će se poseban ugovor o međusobnim pravima i obavezama korisnika stipendije i stipenditora.

Član 10.

Sredstva potrebna za realizaciju ove Odluke će se planirati u budžetskim rashodima za 2017. godinu u iznosu od **350.000 KM (tristo pedeset hiljada konvertibilnih maraka)**.

Član 11.

Ova Odluka stupa na snagu danom objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA
Senad N. Subašić, s. r.

Broj: 03-02-1-2359/16

Datum: 30.11.2016.godine

Na osnovu člana 13. Zakona o principima lokalne samouprave u FBiH („Službene novine FBiH“, broj:49/06) i člana 14. Statuta Općine Tešanj („Službeni glasnik općine Tešanj“, broj:11/07), Općinsko vijeće Tešanj na svojoj 2. sjednici održanoj dana 29.11.2016. godine, d o n o s i

O D L U K U

**o davanju na korištenje objekta
Mjesnoj zajednici Karadaglije**

Član 1.

Odobrava se Mjesnoj zajednici Karadaglije, korištenje objekta koji se nalazi na parceli označenoj kao:
- k.č. broj: 379 upisano u PL 926 K.O. Karadaglije.

Član 2.

Nekretnina iz člana 1. ove Odluke posjed i vlasništvo je općine Tešanj sa dijelom 1/1.

Član 3.

Objekat iz člana 1. ove Odluke daje se Mjesnoj zajednici Karadaglije, bez naknade i bez promjene upisa u evidencijama o nekretninama.

Član 4.

Sve nastale troškove održavanja objekta snosi korisnik.

Član 5.

Danom donošenja ove Odluke, korisnik se smatra da je uveden u posjed navedenog objekta.

Član 6.

U slučaju da se nekom novom namjenom može postići veća korist od one koja se postizala korištenjem te nekretnine na dotadašnji način, Mjesnoj zajednici Karadaglije prestaje pravo korištenja na zemljištu iz stava 1.ovog člana, što će biti utvrđeno posebnom odlukom.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA
Senad N. Subašić, s. r.

Broj: 02-31-8-211-98/16

Datum: 30.11.2016.godine

Na osnovu člana 14. Statuta Općine Tešanj («Službeni glasnik Općine Tešanj», broj: 11/07) i člana 39. Poslovnika o radu Općinskog vijeća Tešanj («Službeni glasnik Općine Tešanj», broj: 7/08, 1/12, 7 /12 i 10/14), Općinsko vijeće Tešanj na svojoj 2. sjednici održanoj dana 29.11.2016. godine, donosi

R J E Š E N J E

o imenovanju Kolegija Općinskog vijeća Tešanj

I

Imenuje se Kolegij Općinskog vijeća Tešanj u sastavu:

1. Subašić Senad, predsjedavajući Općinskog vijeća Tešanj
2. Piro Amir, zamjenik predsjedavajućeg Vijeća,
3. Kurtić Amir, predsjednik Kluba vijećnika SDA Tešanj,

4. Kaser Vedran, predsjednik Kluba vijećnika SDP Tešanj,
5. Hrnjić Muris, predsjednik Kluba vijećnika SBB Tešanj,
6. Solo Fahir, predsjednik Kluba vijećnika A SDA Tešanj,
7. Alić Hajrudin, predsjednik Kluba vijećnika S BiH Tešanj,
8. Jašić Haris, predsjednik Kluba vijećnika BPS SH Tešanj,
9. Jupić Mirano, predsjednik Kluba vijećnika DF Tešanj,
10. Klepić Sajda, tehnički sekretar Vijeća.

II

U odsutnosti predsjednika Klubova vijećnika, sjednici Kolegija će prisustvovati njihovi zamjenici, kako slijedi:

1. Kotorić Esmir, zamjenik predsjednika Kluba vijećnika SDA Tešanj,
2. Deljković Nermin, zamjenik predsjednika Kluba vijećnika SDP Tešanj,
3. Mahmutović Edin, zamjenik predsjednika Kluba vijećnika A SDA Tešanj,
4. Alić Munevera, zamjenik predsjednika Kluba vijećnika S BiH Tešanj,
5. Hasanbašić Senad, zamjenik predsjednika Kluba vijećnika BPS SH Tešanj.

III

Kolegij Vijeća usaglašava prijedlog dnevnog reda za sjednicu Vijeća i daje preporuke o materijalu koji treba da bude na sjednici Vijeća i predlaže druga pitanja koja su od značaja za rad Vijeća.

Kolegij može punovažno raspravljati i odlučivati ukoliko sjednici prisustvuje više od polovine ukupnog broja članova.

Sve stavove, zaključke i prijedloge Kolegij donosi natpolovičnom većinom glasova prisutnih članova.

IV

Ovo rješenje stupa na snagu danom donošenja i objavit će se u «Službenom glasniku Općine Tešanj».

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA **Senad N. Subašić, s.r.**

Broj: 01-02-1-2405-8/16

Datum: 21.11.2016. godine

Općinsko vijeće Tešanj je na svojoj 2. sjednici održanoj 29.11.2016.godine, razmatrajući Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2016/17. godini, na prijedlog vijećnika Hrnjić Murisa i Lihić Adnana, donijelo sljedeći

Z A K L J U Ć A K

Općina Tešanj će pružati finansijsku i drugu podršku stipendiranju dodiplomskog studija, s tim da će u narednim godinama u Odlukama uzeti u obzir nastavak finansiranja deficitarnih zanimanja i tržišno potrebne profesije.

OPĆINA TEŠANJ **OPĆINSKO VIJEĆE**

PREDSJEDAVAJUĆI VIJEĆA **Senad N. Subašić, s. r.**

Broj: 03-02-1-2359-2/16

Datum: 30.11.2016.godine

Općinsko vijeće Tešanj je na svojoj 2. sjednici održanoj 29.11.2016.godine, razmatrajući Informaciju o završetku školske 2015/2016. godine i upisu učenika u školsku 2016/2017. godinu u osnovnim i srednjim školama na području općine Tešanj, donijelo sljedeći

Z A K L J U Ć A K

Prima se na znanje Informacija o završetku školske 2015/2016. godine i upisu učenika u školsku 2016/2017. godinu u osnovnim i srednjim školama na području općine Tešanj.

OPĆINA TEŠANJ **OPĆINSKO VIJEĆE**

PREDSJEDAVAJUĆI VIJEĆA **Senad N. Subašić, s. r.**

Broj: 01-38-05-2136-2/16

Datum: 30.11.2016. godine

Na osnovu člana 30. Statuta općine Tešanj ("Službeni glasnik općine Tešanj", broj: 11/07), i Pravilnika o popisu imovine, potraživanja, zaliha i obaveza ("Službeni glasnik općine Tešanj", broj: 08/09) Općinski načelnik d o n o s i

R J E Š E N J E
o imenovanju Komisije za popis imovine,
potraživanja, zaliha i obaveza budžeta
Općine Tešanj

I

Imenujem slijedeće Komisije za popis:

- Komisija za popis stalnih sredstava i inventara:

1. Salibašić Jasmin, predsjednik,
2. Hadžimehić Alija, član
3. Starčević Naila, član

- Komisija za popis zaliha potrošnog materijala i roba:

1. Šišić Emina, predsjednik
2. Nočić Bahrudin, član
3. Omerbašić Fatima, član

- Komisija za popis stanja novčanih sredstava, potraživanja i obaveza:

1. Brka Samir, predsjednik
2. Mujčić Amina, član,
3. Ibrić Jasminka, član

II

Zadatak komisija iz tačke I je da izvrši redovan popis imovine, potraživanja, zaliha i obaveza budžeta Općine Tešanj sa stanjem na dan 31.12.2016. godine.

Popis stalnih sredstava izvršiti u Popisnim listama po inventurnim brojevima uz istovremeno popunjavanje Listi sredstava u kancelarijama. Nakon popisa Komisija za popis stalnih sredstava je dužna u svaku kancelariju dostaviti i izložiti na vidno mjesto Listu sredstava u kancelariji na dan 31.12.2016. godine. Na Popisnoj listi je obavezan unos osobe koja duži sredstvo, a oštećene brojeve na stalnim sredstvima zanoviti uz zabilješku u Popisnoj listi o kojem se sredstvu radi.

Popis uključuje i izradu Izvještaja o popisu sa prijedlozima o otpisu dotrajalih stalnih sredstava i inventara, načinu knjiženja eventualno utvrđenog manjka ili viška, kao i otpisu nenaplativih i zastarjelih potraživanja.

III

Krajnji rok za izvršenje svih faza popisa za sve Komisije je 15.01.2017. godine. Komisije će o svome radu dostaviti Izvještaje Općinskom načelniku.

IV

Iznos naknada za rad u komisijama utvrdit će se naknadno posebnim rješenjem.

V

Rješenje stupa na snagu danom donošenja i objavit će se u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r

Broj: 04-14-7-2457 /16

Datum, 30.11.2016. godine

S A D R Ź A J

I - AKTI OPĆINSKOG VIJEĆA

	Strana
101. Zaključak za Izvještaj o izvršenju Budžeta Općine Tešanj za period januar-septembar 2016. godine.....	98
102. Zaključak Nacrt Budžeta Općine Tešanj za 2017.godinu.....	104
103. Zaključak Nacrt Odluke o usvajanju planova potencijalnih projekata javno-privatnog partnerstva.....	104
104. Odluka o stipendiranju redovnih studenata dodiplomskog studija (prvog ciklusa) u akademskoj 2016/17. godini	105
105. Odluka o davanju na korištenje objekta Mjesnoj zajednici Karadaglije.....	106
106. Rješenje o imenovanju Kolegija Općinskog vijeća Tešanj.....	106
107. Zaključak za Odluku o stipendiranju, na prijedlog vijećnika Hrnjić Murisa i Lihić Adnana.....	107
108. Zaključak za Informaciju o završetku školske 2015/2016. godine i upisu učenika u školsku 2016/2017. godinu u osnovnim i srednjim školama na području općine Tešanj.....	107

II - AKTI OPĆINSKOG NAČELNIKA

37. Izvještaj o izvršenju Budžeta Općine Tešanj za period januar-septembar 2016. godine.....	98
38. Rješenje o imenovanju Komisije za popis imovine, potraživanja, zaliha i obaveza budžeta Općine.....	108